

JAKOBO

Jakobore papia mo mitigiczi qârengkewec i mi mana sanangkengopeneg. Njic gâcne jaje, Jesure qa Jakobo eki mecne qârengkewec, iguc muhapie gâcne jaje ziguc muengopien: Aricne, Judanic opâ ruac moc zâhec juwec eki Jakobore zâgeo âkehotahuc qârengkewec. Qârengic e me e qârengkeweczi fugne-ticne mi mutanigkewecte mi mana-hâmongopeneg hâcne. Irec Jesure qazi qârengkewec iguc mi musanangkewec mecnehec sawa mupene fooc.

Papia magna mi miti mamana betangkicne jajere ugsawaŋ dâŋ bocjaha qârengkicne fokac. Erâ papia i kikefug mocjahere bige mâcne, Judanic opâ ruac Siria mârengo jurambig jajere bige qârengkicne. Jerusalem haeo mitire zika fuame njic gokac bocjahazi wiserâ hae mâreŋ gâcnao rambig. Ehame gâcnezi Siria mârengo fisirâ ira hâcne jurambig. Ehuc Judanic fekiecne ijaha jumbig jajere kinaŋ qaqa embig. Jaje zâic busâqocko jumbig. Bombonfâc-jenig jaje qaisoc-joparâ râsi ejarembig. Eme irec qârengiczi manuruc qajarewec (ganj 1:1-8 â 5:7-11). Erâ bocjahazi miti sahaczi sawa bajumbigte ziguc qârengke-jarewec: Mamanasiŋ fâri tâmiric i wiac jawane (ganj 2:8-26). Njic fekiecne moc moczi tutumaŋ-jenigko fisipie boc dape-jarembig, irec mana sâqorerâ qârengkewec wâc (ganj 2:1-7). Erâ fekiecne jajere fugne rituwec (ganj 1:9-12 â 5:1-6). Nameŋzi bâbâsâqorec embig, irec uŋdâŋ mâmâc râe-jarewec (ganj 3:1-12 â ganj 4:1-12).

Eesâicte fârine

1 Jakobo no Anutu â Jesu Kristo ere kinaŋ qaqaŋ Israe njicguru 12 siŋsaŋ qarâ jurangopien nonge mu zeri enarehuc papia zi râe-narekopac. ²Nongerâo eesâic fugne fugne fuame manapie bubiagnehec sasawa ezejec. ³Wiac igucnezi hâcne mamasasiŋ-nenig ba esâic ecnekume gâtâ bame nongerâo sasanâŋ fuaocmu. ⁴Sasanâŋte fârine nongerâo fua-hâmozejec, eme wiac moc mi basahuc bahacmâc â manfuru junzebieŋ.

Manqârâŋ basarâ Wofuŋ numucnezo

⁵Nongerâonec moczi manqârâŋ basarâ Anutu numucnezejec. Eme e njic sasawa, dâŋ mi munârehuc, wiac manhumuc nâreekaczi bâfuacneocmu. ⁶Nûnumu ine manjahec ehuc mâcne, Wofuŋ manasiŋkehuc numucnezejec. Manjahec eocmu e hâwec siri, mângânzi ficne sueme fâuckerâ tâtieekac, igucne eocmu. ⁷Njic igucnezi Wofuŋtaonec wiac moc roocmu mi muzejec. ⁸Manguru â tie faranezi wemocko iguc eocmu.

Mafahec juju i wiac fârine mâcne

⁹Opâ ruac wahakicnezi fekiecne jukopac muhuc maname zerine ezejec. ¹⁰Â mafanigzi wahakicne jukopac muhuc maname zerine ezejec. Jâcârizi ŋeindanŋerâ biac mârânkeekac, iguc jaha mafaheczi biac sirowenigmu.

1:1 Pet I, 1:1; Apo 15:23 1:2 Rom 5:3-5; Pet I, 1:6 1:3 Pet I, 1:7 1:5 Muq 2:3-6 1:6 Mar 11:24
1:9 Jak 2:5 1:10 Pet I, 1:24

¹¹ 3oan e furicte wefurâ zocnezi zariŋ rikeme qaname ârine mârâŋkeme eri-ticne wahaekac, iguc jaha mafanŋic jaŋe qanapie qânŋtac-jenŋic sawa ŋeocmu. ¹² Ŋic moc e eesâicko qŋ herâ juocmu ere manape zerine ekac. E sananŋeku maŋne eme Wofurŋzi eri hendŋ juu sanan hâcne râcneocmu. I maŋjenŋic ere domakac jaŋe biŋe qajarekicne.

Eesâicte dâŋ

¹³ Ŋic moc sâqocnere eesâic fuacneme zŋuc mi muzejec: Anutuzi esâic-nukac. Sâqocnere eesâic Anuturao fufuane mi fokac, â eki wâc ŋic moc sâqocnere mi esâickeocmu. ¹⁴ Eesâic ine kecziŋuc fuaocmu, qanaŋ ŋic moc e jahacne saseczi bengisic sicnecehuc hehawickeocmu. ¹⁵ Eme saseczi motec kiweckerâ roocmu, zâŋene sâqocne; sâqocnezi ine woze geuc eku hâmoc bâfuaocmu.

¹⁶ Âgo bianfâc-nane, ŋoŋe dâŋ mi mana sifuckenzepienŋ, ¹⁷ jauŋ bianŋe â taha fârine i faicnec sasawa, tatamac Mamac eraonec wahaekac, erao hâcne hec hetikic â sâsâoc mi fokac. ¹⁸ Anutu e manapanŋkewecte dâŋfârizi naru motecfâcne bâfuac-nâpowec, i wiac sasawa bâfuawec irec hata qaqa-sune tinac enanŋe iguc enârewec.

Dâŋ mamana sawazi aricne, rerenŋi fârine

¹⁹ Âgo bianfâc-nane, mananiŋ. Ŋiczi dâŋ mamanafe afeckenzepeŋeŋ, dâŋ mumure â aaricte ine ŋemâckenzepeŋeŋ. ²⁰ Aaricko wiac eengopenenŋ izi Anuture tiŋne hata ririekak. ²¹ Irec ŋoŋe maŋwânâŋ â rânŋen bârânŋen hetarârâ urucko juhuc maŋŋenŋicko mitidâŋ râekicne i âgo ecnenzepeŋeŋ. Izi hâcne maŋ qâqâtâc-nâŋec bâpianŋkeocte tâpiri focnekac. ²² Ŋoŋe mitidânŋe fârine bâfuanzepeŋeŋ, mâc hazecte nâpene sawa eme maŋŋenŋic eatucke-niŋmu. ²³ Moc e mitidâŋ mana qâoma eocmu, e ŋiczi zâŋe mai-nâŋec hawario honerâ eengopenenŋ, sâc ijaha eocmu. ²⁴ Zâŋe mai-nâŋec hawario honerâ ra qâoma erâ izia hawari-nâŋecte nîkec-nâpoekac. ²⁵ Â moc e sâc-mutâc dâŋ fârine, rambaŋko rârâec-nâpone, dâŋ ira mana utuckerâ juocmu, ehuc mana qâoma mâcne, mana rerenŋ eocmu, igucnezi ine dâŋte fârine bâfuarâ mana aŋac eocmu.

Mitio jujure dâŋ

²⁶ Moc e mitio jukopac muekakzi micbipic-ticne mi soŋanŋehuc maŋticne eatuckeekac, ŋic igucnere mitio juu i racne eocmu. ²⁷ Hozec bekâ busâqocko juhapie hone maŋ ejarezo â mârenŋko sâqocne fokac izi maŋnâŋec heŋâpârezacte pectâc juzo, izi Anutu â Mamac ere maio wâwânâŋ tâmiricko mitio juu ekac.

Mafahec â hapetac sâc mocjaha ejarezo

2 Âgofâc, ñoje tatamac Wofuñ-nâgêc Jesu Kristo manasiñkeengopienzi ñic fekicne wahakicne wiac sâctiri mi ejarenzepeñ. ²No kec-ziñucte mukopac: Tutumañ-geñicko ñic moc boreñ qonañkerâ ñaqi erinehec hefâocmu, eme ere râpefuñko ñic hapetac moc ñaqi taocnehec hefâocmu. ³Ehame ñoje ñic ñaqi erinehec erao zâñe firâ zñuc âzâcneñmu: “Go zira ware popoo ñec.” Iñuc murâ hapetac e zñuc âzâcneñmu: “Go ocna domac, me qâriñko waha ñec.” ⁴Ñoje ñondeñ-geñicko ñic teñtiri ejareengopien, i mañgeñicko dâñ repicne soñkepie fokacte wiac esifuckeengopien hâcne. ⁵Âgo bianfâc-nane, dâñ mupe mananiñ: Anutuzi ñic weninucne rowosâec-jopawec? Mâreñko hapetac juengopien jañe hâcne mamasaniñko mañ mâririhec erâ uucmañ rauckeninñe rowosâec-jopawec. I irec ejareekac jañe hâcne biñe qajarewec. ⁶Eme ñoje ine hapetac jañe zâñe titikic honec-jopaengopien. Â weni jañezia bâuruñ-ñoparâ kiarao râec-ñopaengopien? Mafahec jañe hâcne iñuc ejareengopien. ⁷Ehuc wâc zâñe bian fai-geñicko fewec e musoriñkeengopien.

Dâñ gâcne reñkehuc gâcne qatarazo i mi sâckeocmu

⁸“Gahacnere egareekac sâc ijaha âgogere egarezejec”, sâcmutâc dâñ nengocne iñuc qâreñkekicne fokac, i reñkepie jâmbomac biankeocmu. ⁹Â ñic sâctiri ejarenñmu, ine bahac bâfuapie sâcmutâc dâñzi qaqatara ñic engopien irec fuñe bataniñkeocmu. ¹⁰Moc e sâcmutâc dâñ gâcne reñke-fârehuc mocjaha qatarame sâcmutâc dâñ qâqâhâc qatarawec eocmu. ¹¹“Ñowe ñonâñ ñohe bebehec mi ezepirec” muwec ekizia wâc “go zika mi qazemec” muwec. Eme go ñonâñge mi behecmu, zika ine qacmu, ine dâñ qaqatara ñic ecmu. ¹²Sâcmutâc dâñ rambañko rârâec-nâpo izi juku fuñe babataniñ damenñko rambañko râec-ñopaocte wiac mana tarahuc mu bac enzepeñ. ¹³Ñic uruc jañuñ tâmiric juocmu e wâc juku uruc jañuñ mi ecnezo. Uruc jañuñhec juocmu e fuñe babataniñko hâhâwic tâmiric domaocmu.

Mamasaniñ fâri tâmiric i wiac omane

¹⁴Âgofâc-nane, ñic moczi “mamasaniñhec jukopac” muocmu, ehuc eehâmo gie mi baocmu, e mamasaniñ-ticnezi moc bafickeocmu me? Mamasaniñzi wemocko sisipirickonec bataraocmu. ¹⁵Ñic me ñokac âgo-geñic moczi qoruc ñaqi me nânâ wiac basahuc juhame ¹⁶ñogeraonec moczi e zñuc âzâcneocmu: “Go sâcne ra juzemec, erâ fâfârezicte sahacge fogkezemec â nânâ nâ gapec ezemec”, moc e miczi iñuc sawa muhuc jañuñ mi bacneocmu, izi wemocko bafickeocmu? ¹⁷Irec mamasaniñ bucticne, fârine eehâmo gie mi fuaocmuo, hâmo mâteg ekicne muzo. ¹⁸Me moczi zñuc mecne muocmu: “Go mamasaniñ fogarekac, â no eehâmo gie fonarekac.” Me, mamasaniñge eehâmo gie tâmiric i nowatutec honepe. Â no eehâmo gie bahuc mamasaniñ-nanere fuñe sâcne gowatupemu. ¹⁹Anutu mocjaha jukac, dâñ i mana zakiekic; i sâcne ekic. Dâñ i demoj

2:1 Kor I, 2:8 2:2 Heb 10:25 2:5 Kor I, 1:26; Luk 12:21 1:8 Tah 19:18 2:9 Sâc 1:17
2:10 Mat 5:19 2:11 Wah 20:13, 14; Sâc 5:17 2:12 Jak 1:25 2:13 Mat 5:7; 18:30, 34; 25:45, 46
2:14 Mat 7:21; 21:29 2:16 Joh I, 3:17 2:18 Gal 5:6 2:19 Mar 5:7

jahe wâc mana zakiengopien, ehuc qarac qarac qaengopien. ²⁰Ŋic mantac go mamasasiŋ eehâmo gie tâmiriczi wiac jawane ekac irec fugne zi manac.

Abraham â Rahaba jahe mamasasiŋte fârine bâfuapi

²¹Mimigne-nâŋec Abraham e ŋokâ-ticne Isaka taha bâzi rikeocte alatao râewec ira Anutuzi manacneme kiŋfâsâc ewec i eebapa-ticnere hâcne. ²²Eme ziŋuc honekic: Abraham mamasasiŋ-ticne i eebapa-ticnezi bafickewec, ehuc mamasasiŋ-ticne qizecne qawec. ²³Eme irec hâcne Abrahamte dâŋqâreŋ kecziŋuc fokac i sanŋkewec: "Abraham e Anutu manasiŋkeme ere maname kiŋfâsâc ewec." Eme irec zâŋe-ticne Anuture âgo mucnekicne. ²⁴Honengopien, Anutu e ŋic moc mamasasiŋ-ticnere sawa mi maname kiŋfâsâc eocmu, fârine eehâmo gie bame manacneme kiŋfâsâc eocmu. ²⁵Â sasac ŋokac Rahaba e iŋuc jaha mamasasiŋ-ticnere fârine eehâmo gie bame Anutuzi manacneme kiŋfâsâc ewec. E ŋic mâreŋ hone tâcnepic jahe erao fisipire âgo ejacterâ hatasonko râec-jofame wisepic. ²⁶Irec ziŋuc fokac: Sahac e mâro tâmiric erâ qâŋqâŋ eekac, iŋuc jaha mamasasiŋzi eehâmo gie tâmiric qâŋqâŋne jaha eekac.

Nomeŋ-nâŋec sonŋkenzeŋpeneŋ

3 Âgofâc-nane, ŋoŋe bocjahazi qaqazu gie baniŋte mi fotarienzeŋpeneŋ. Manangopien, mumutara dameŋko Wofuŋzi qaqazu nâŋe wiac baŋihuc enâreocmu. ²Nâŋâc mâmâc sasawa wiac gâbâ esifuckeengopeneŋ. Ŋic moc e dâŋko moc mi sâqoreocmu, e ŋic saric sarahagne mucnezo. Iŋucnezi me saha-ticne sasawa gurigne sâcne bafâreocmu. ³Becâsac jahe dâŋ-nâŋec reŋkeniŋte micko kiki râe-jareengopeneŋ. Erâ izi becsâko bac bâtikic ejareengopeneŋ. ⁴Wokere wâc manaengopeneŋ, jahe kâcqene sâko, erâ mângân sanagnezi ficne suet-jopame raengopien, eme sifu guriŋ bapa e guriŋ piticne i bac bâtikic ehuc hata muocmu ijaha wokezi raocmu. ⁵Eme ŋicnameŋ e iŋuc jaha wiac piticne, erâ wiac wemo afecne efeekac. Manangopien, zoc masisi i-wiac hungagne mac, eme iŋucne maczi sopâc sâko rikepene zafâreekac.

Nomeŋzi sisipiric eengopeneŋ

⁶Eme nomeŋ-nâŋec zoc masisi iŋucnea wâc. Eki hâcne me saha gâcne siric-jopahuc sâqocnere nengocne eekaczi saha-nâŋec bâbie-fâreekac â juju-nâŋecte gesiŋ rikeme zafâreekac; e jahacne ine hârâckonec zoczi qâhâsâme zaekac. ⁷Qowi fugne fugne tiŋkonec â hâweckonec erâ wipe homa wiac i ŋiczi bâmâteŋkezo murâ bâmâteŋkeengopeneŋ. ⁸Nomeŋ ine mo ŋic mozi bâmâteŋkeocmu? E gapec tâmiric ririsiehuc sâqocne baekac, qotâre micopâzi fusucmakicne tinac. ⁹Nomeŋ-nâŋeczi Wofuŋ Mamac mutenkeengopeneŋ, erâ nameŋzia ŋic Anuture hawarifâc sâwec-jopaengopeneŋ. ¹⁰Mic ijaha mumuteŋ â sâwec wahaekac. Âgofâc-nane, iŋuc wemocte? ¹¹Opâ zâŋe ijaha nocne â hâtâne atar wahaekac me? ¹²Âgofâc,

2:21 Fuf 22:9, 10, 12 2:22 Heb 11:17 2:23 Jes 41:8; Fuf 15:6; Rom 4:3; Bin II, 20:7
2:24 Joh 8:39; Rom 4:12 2:25 Heb 11:31; Jos 2:4, 15; 6:17 2:26 Jak 2:17 3:1 Jak 1:19
3:2 Jak 1:26 3:6 Mat 15:11, 18, 19; 12:36, 37 3:8 Mi Mâ 140:3 3:9 Fuf 1:27

hâmenko woraŋ fuaocmu? Me saŋko hâmen fuaocmu? Me hâweczi nočne eocmu?

Mamana hata faicnec â juwicnec

¹³ Ɔoŋerao maŋqârâŋhec â maŋ manahuc wiac ee igucne moc juŋgopien me? Ine wama ruaine juhuc eebapa biagne bâfuahuc maŋqârâŋ-jegicte fugne bataniŋkenzepien. ¹⁴ Â maŋjenicko liŋguuŋ hâtâne â hehefaric fohame ine sahaç-jenic bafehuc dânfâri maŋaŋgopenen mupie burec eocmu. ¹⁵ Maŋqârâŋ hata igucne i faicnec wahakicne mi muzo, aricne, mânqârâŋ hata igucne i mârenkonec, ɲickonec, Sataŋtaonec. ¹⁶ liŋguuŋ â hehefaric foocmu iŋaha wâc fâfâuc â wiac gâgâpâcne gâcne gâcne fofâ-reocmu. ¹⁷ Maŋqârâŋ hata faicnec izi ine wiac ɓiŋuc bâfuaekac: Qanaŋ maŋqaqac, erâ wama, miriŋ, micreren, uruc jaŋghec juju â mitire fârine gâcne, erâ wâc mânguru tâmiric â siocmâc juju. ¹⁸ Wamare gurigne baen-gopien jaŋe wamao ukicne sara mamac epie fârine tiŋne juju fua-jareekac.

Harac gie bahuc fârine mi bâbâfua

4 Ɔoŋerao zika â rârâsi foekac i fugne wenigucte? Me sahaç-ɲenicko andac forakac izi hâcne zika gie baekac. ² Ɔoŋe andac eipiehuc wiac mi rauckeengopien. Ɔoŋe qaqaç â liŋguuŋ eec ehuc sifu wiac sâcne mi hotâckeengopien. Ɔoŋe kikisâ â kikisuec ehuc wiac sâcne mi hure nâc eengopien. I nunumu tâmiric juengopien irec. ³ Moc i numu-bipiehuc wiac mi roengopien, ine maŋɲenicko dân sâqocne ɓiŋuc foha numuengopiente: "Wiac fua-nâreme samariêrâ andac-nâŋecte fârine bâfuanzepenen."

Maŋnâŋeczi ra fo ware fo mi ezejec

⁴ Oi, ɓâɓâfic hehetâc ɲic ɲoŋe! Mârenko wiac fokac irec biŋe juocmuzi Anutu râpeckeocmu, i mi maŋaŋgopien me? Ireç moc e mârenkopec wiac kosa âgo ecneocmuzi Anutu kisâ ecneocmu. ⁵ Me dânqâren kecɓiŋuc fokac i ɲoŋe manapie racne eekac me? "Maŋnâŋecko mâro râewec i ere biŋe sawa juocte ɓoqaç sâko eekac." ⁶ Erâ ɲifec ine aki anonoc wemo afecne sicne-nâreekac. Ireç dânqâren hâcne kecɓiŋuc fokac: "Anutu e ɲic maŋfefe dope qatara-jareekac, ɲic maŋhuhuŋ ine aki anonoc sicne-jareekac." ⁷ Ireç ɲoŋe Anutire rurumaŋko razirâ domanzeŋien. Ehuc Sataŋ bâsuenzepien, eme beheç-ɲoparâ wiseocmu. ⁸ Ɔoŋe Anutu maickepie eki wâc maic-ɲopaocmu. Sâqocne bapa, maŋɲenic ra qa ware qa eekac, ɲoŋe meŋenig zurerâ maŋɲenic baqaqackenzeŋien. ⁹ Ɔoŋe fugne-ɲenic mana tararâ ki busâqoc enzepien. Gâgâwi-ɲeniczzi rirêhame busâqoc fuazejec, â zeri-ɲeniczzi rirêhame ki mamakuc fuazejec. ¹⁰ Wofunŋe maio maŋhuhuŋ juŋpie eki bafahareç-ɲopaocmu.

3:13 Jak 2:18; Pet 1, 2:12 3:14 Efe 4:31 3:15 Jak 1:5, 17 3:17 Heb 12:11 3:18 Jes 32:17; Mat 5:9
4:1 Rom 7:23; Pet 1, 2:11 4:4 Luk 8:26; Rom 8:7; Joh 1, 2:15 4:5 Wah 20:3, 5; Mat 6:24; Gal 5:17
4:8 Muq 3:34; Hlo 22:29; Mat 23:12; Pet 1, 5:5 4:7 Efe 6:12; Pet 1, 5:8, 9 4:8 Ɔek 1:3; Jes 1:16
4:10 Pet 1, 5:6

Wofunj mi âkehocezo

¹¹ Âgofâc-nane, ñoje mumusâqoc mi enzepienj. Moc e âgo-ticne musâqorerâ okacne dângo râeocmû, e sâcmutâc dâng musâqorehuc hetâtieocmu. Go ine sâcmutâc dâng hetâtiecmuo rereñgic mi ehuc mumutara ñic ecmu. ¹² Sâcmutâc dâng irec mumufua â songaj mocjaha sawa jukac, aakic â bebehe irec gie ekizia baocmu. Go ine wemogezi âgoe okacne dângo râecmu?

Wofunzi mana-nâreme wiac enañmu

¹³ Ajoc, moc zi mananiñ. Ñoje kecziñuc muenggopienj: “Mingecgac me tomâcko hae ira ra monej mafa hurehuc juhupene jara moc tarame risienzepenej.” ¹⁴ Oi ñoje, tomâcko wiac ñuc me ñuc fuaocmu, i moc manaenggopienj? Me juju-ñegic i weniñucne? I rombân ñucne, fua fuahuc izia qazueekac. ¹⁵ Irece ñoje kecziñuc mupie sâckeocmu: “Wofunzi mana-nâreme qâricne juhuc ñuc me ñuc enzepenej.” ¹⁶ Ñoje ine pacgoronj dâng boc muhuc sahaç-ñegic bafeenggopienj. Pacgoronj dâng i wiac sâqocne. ¹⁷ Ñic moc e wiac biagne eocte mana tarahuc sifu qikiñneekac, e bahac bâfuakac mazo.

Ñic monej mafa sasac jañere dâng

5 Ajoc, mafa mâririhec ñoje zârâ hârîñ fua-ñareocmu irec qanañ ki mamakuc enzepienj. ² Mafa mâriri-ñegic i zañke-fârewec, ñaqi guru dindiñ-ñegic mâreñte temane ewec, ³ â monej boreñ-ñegic gufewec, eme gufe izi ñağacne fuñne bataniñkehuc sahaç-ñegic zoc ñucne nâmiñieocmu. Ñoje dameñ qândânkeha mafa sesuc sembureñ hefembij. ⁴ Manangopienj, padi qañarepie gie furi sakare-jarembij irec kiñzi hohosâcne qakac, erâ qa roro ñic jañere kio wâwâsiczî sambân momori jañere Wofunje hazecko huwec. ⁵ Ñoje mâreñko wiac nâmiñziñkehuc mana ağac embij â okac dameñ maickeha nâ areñ embij. ⁶ Ñoje ñic tiñne dâgne mutararâ zikao râembij. E sahaç-ticne mi ñezickekak.

Zârâ zâpâ faio hâbi hâro juzo

⁷ Âgofâc-nane, ñoje Wofunj fisiocne woñec tatakic tâmiric junzepienj. Manangopienj, gie rune moczi ñuc jaha nânâ he sarac erâ fârîne fua biñ eocne woñec juekak, ehuc hoe zoañ sâckoa bacneme fua sokac eocte mamanan juekak. ⁸ Eme Wofunje dameñ bembenkekacte ñoje ñuc jaha tatakic tâmiric woñec juhuc maññegic ketegñenzepienj. ⁹ Âgo bureñ, ñoje mu takic mi eec enzepienj; manangopienj mumutara ñic e motâc râpeo domakac, fuñne-ñegic rituzacte dâng ere biñe râepie fozejec. ¹⁰ Âgofâc-nane, porofete Wofunje micte dâng mumbinzi zâic busâqoc tatakic tâmiric mana-

4:12 Mar 7:1; Rom 2:1; 14:4 4:13 Muq 27:1 4:14 Luk 12:20; Mi Mâ 39:5, 11 5:15 Apo 18:21
4:17 Luk 12:47; Rom 14:23 5:1 Luk 6:24 5:2 Mat 6:19 5:3 Muq 16:27 5:4 Tah 19:13; Mal 3:5;
Sâc 24:14; Jes 5:9; Hio 31:38-40 5:5 Luk 16:19, 25; Jer 12:3 5:6 Sâc 11:14; Joe 2:23; Žek 10:1; Jer 5:24;
Luk 21:19; Heb 10:36 5:8 Heb 10:25; Tes 1, 2:16; 3:13 5:10 Mat 5:12

huc jumbiŋ jaŋere kike hata bâjâpehuc junzepieŋ. ¹¹Manangopieŋ, zâic-manŋko sasanaghec jumbiŋ jaŋere manapene zerine ekac. Hiobe sasanag-ticnere manaengopieŋ, â Wofuŋzi zâhec wiac afusecnewec i wâc manaengopieŋ. Wofuŋ e buuruc â jauŋ-ticne kâcŋene fokac hâcne.

Mumupaŋte dân

¹²Âgofâc-nane dân fârine moc zi: Ŋoŋe sambâŋko qetickehuc mumupaŋ, me mâreŋko qetickehuc mumupaŋ, me wiac mocko qetickehuc mumupaŋ, i mi enzepieŋ. Ŋoŋe dânŋeŋic jâmbomacte fârine jâmbomac ezejec â aricnere fârine aricne jaha ezejec. I kiŋ bâfuanzipiŋte iŋuc enzepieŋ.

Hucko fohuc wiac ezo

¹³Ŋoŋeraonec moczi zâic busâqocko juocmu, e Anutu numucnezejec, me moczi bubiŋko juocmu, e mumutenŋ gae hezejec. ¹⁴Ŋoŋeraonec moczi huc foocmu, e kikefuŋte micne bapa hefârec-jopame fisirâ ere faio numunzepieŋ, erâ Wofuŋte zâŋe muhuc wokemaŋ opâ ruacnenzepieŋ. ¹⁵Eme mamanasigko nunumu mukicne izi huchec bâpiaŋkeocmu â Wofuŋzi e qiqicne baocmu. Â sâqocne bawecko i bâtâmirecneocmu. ¹⁶Irec ŋoŋe qiqic qaniŋte sâqocne mumufuac erâ nunumuzi dodopec enzepieŋ. Ŋic tiŋne moczi numume tâpirinehec eocmu. ¹⁷Elia e ŋic jaha, nâŋâc iŋucne. Eme eki hoe mi héocte samariêrâ numume mâreŋko jara jahec â moc â mosa 6 hoe mi hehe mâc fowec. ¹⁸Eme zâhec mocwâc numume sambâŋkonec hoe wahame mâreŋko wiac ukicne âkezuwec.

Qâsoriekicne bârisiec-jopazo

¹⁹Âgofâc-nane, ŋoŋeraonec moc e dânfârire hata qâsorieme âgo moczi bâtikieocmu, ²⁰e dân ziŋuc manazejec: Moc e âgo-ticne hata sâqocnaonec bârisieocmuzi e jahacne maŋ qâqâtâc hâmockonec bataraocmu â sâqocne guru sâko sâockeocmu.